摘藻堂四庫全

書薈

要 经 部

欽定四庫全書首要與部

詳校官祭酒臣幸強恒

界允問固亂獨我我其敢求位惟帝不昇惟我下 物殷命終于帝肆爾多士非我小國敢弋殷命惟天不 弗吊旻天大降丧于殷我有周佑命将天明威致王罰 欽定四庫全書曾要卷五百七十一經部 E AL DE LA LA IN 周既成遷殷頑民周公以王命結作多士多士惟三 **脚公初于新邑洛用告商王士王若曰爾殷遺多** 尚書全解卷三十二 尚書解 林之竒

帝降格總于時夏弗克庸帝大淫洪有辭惟時天罔 念聞厥惟廢元命降致罰乃命爾先祖成湯華夏俊 東為惟天明畏我聞曰上帝引逸有夏不適逸則惟 大喪惟天不界不明厥德凡四方小大邦喪罔非有 誕淫厥決罔顧于天顯民祇惟時上帝不保降若兹 今後嗣王誕問顯于天矧曰其有聽念于先王勤家 不建保人有殷殷王亦罔敢失帝罔不配天其澤在 民甸四方自成湯至于帝乙罔不明德恤祀亦惟天

辭于罰 遷居之意然當盤庚之將遷也雖以取之地早弱昏 化展訓遂告以遷居之意如盤庚三篇是亦告民以 其一為下都還殷之頑民使居之使之密遍王室式 此篇乃周公既卜洛而言遂規度經管建為二邑以

墊非下民之利然其在位者不以其遷為便乃弱為

浮言以感民聽民遂相與咨怨而不適有居使其驅

之以刑脅之以勢夫誰敢不聽從而盤庚則不然雅

欽

定四車全書 一

尚書解

勞故安土懷居而重於遷徙必其所以告諭之者較 庚之民齟齬而不肯從也況此篇之作即洛邑而告 然明白然後能使下之從上如臂之使指也若夫周 遷之為害然後與之從事盖以常人之情好逸而惡 之則是既已遷矣而猶告以遷居意者何哉盖當武 役之事而庶殷之人翕然不作則其遷也必不如盤 公之管洛邑以遷頑民方其規度之始命庶殷以工

容而晓譬之丁寧委由使其心晓然知遷之為利不

周公慮殷之餘民知淺識短竊不自量而有與復之 其所壞固不可支然自非深知天命者不能知之也 庚之叛殷民與之相煽而起以親非常其氣酸甚熾 以為殷可以復與周可以遽減也昔宋襄公有霸諸 叔違天天之所壞不可支也夫天之所棄固不可與 侯之志大司馬固諫曰天之棄商久矣君将與之弗 向微周公則周之為周未可知也是殷人之意妄意 可周既衰微長弘欽遷都以延其祚晉女叔寬口長 and Ja Lie T 尚書解

金庆四月五日 言殷以淫決之故而自絕於天非我周家說謀匿計 志當武庚之條起而即敗則周不可遽滅商不可復 與也明矣而其僥倖萬一天下有愛以逞其忿怒之 諸侯今能入關破秦大善即不能諸侯虜吾屬而東 自速罪戾也昔秦軍降諸侯諸侯吏卒来勝奴虜使 心猶恐其未之已也故於其遷也諄諄告戒之言先 輕折唇秦吏卒吏卒多竊言日章将軍等許吾屬降 以管求之汝惟當有爾土以寧幹止不可有他處以 卷三十二

聽事必危不如擊之於是夜擊院秦軍二十餘萬人 秦又盡誅吾父母妻子諸將微聞其計以告項羽項 以自近惟以優游寬大之言漸摩而柔服之以消其 夫以人之不服已而以計覆之使無唯類以絕後患 羽乃召英布等計日秦吏卒尚泉其心不服至關不 固 而使周公以其當預於武庚之亂而移之遠方夫 以為非哉周公之心則不然方且建都邑而移之 暴虐不仁如項羽者之所忍為周公必不為也 M. 10) 1

欽 邑初無王城成周之辨說春秋者亦多以王城成周 為王都故成周為下都為王氏之學者以成周即洛 合而為一夫王城之與成周歷代諸儒所紀甚詳其 世不可得而及也成周下都也王城所以定九鼎是 定四庫全書 民可謂頑也王氏曰此頑民者乃商王士而謂之頑 者以其不則德義之經而無常心故也王氏之意謂 證為明白不可破也及之微子畢命之篇則殷之 梗悖亂之氣而成歸於善此其所以為周公而 卷三十二 後

也三月先儒以為周公致政明年之三月成周南臨 為此簡編之别如先儒所言是有其義非得其本意 據此篇多亦是撮篇中爾殷遺多士之言而以二字 洛水故曰新邑洛言周公以此三月始於此所建新 語之者則周公也先儒曰所告者即衆士故以名篇 遷也不獨士而已以王命語者言語者成王之命而 周公之所遷者皆其士大夫以其心之無常故雖士 而謂之民此強就也既謂之頑民又謂之多士則其 The state of S LORT

新定匹庫全書 | 受天佑助之命奉天之明威致王者之誅罰勃正殷 非 爾多士言我之代殷非我周敢弋取之也周以世 命以終於上帝言上帝勒絕其命也終者所謂天禄 于殷家而覆宗統祀也先儒以事訓至言段道不至 所謂殷遺民也弗形言不為是天所吊 関故大降丧 邑之洛用成王之命以告商王之衆士也殷遺多士 永終也般命既終則周代殷受命以奄有天下故 也其於大語篇已論之詳矣殷既丧亡故我有周 卷三十二

本意如魏之代漢晋之代魏宋之代晋齊之代宋梁 之而不誅也與告灾肆赦肆大告之肆同意謂其致 脩德故天監代殷莫如周馬王氏曰肆爾多士者肆 天罰也惟誅獨夫紂而已脅從問治也盖周公将言 之代齊陳之代梁周齊之代後魏隋之代周是皆弋 天命也言小國亦如大語言與我小邦周盖謙辭也 說也先儒謂天祐我故爾多士臣服我亦非經之 小國敢之段命故呼爾多士而告之王氏之說盖

è

As date 1

尚書解

春秋諸侯多稱敬邑正此類也允罔固亂當從蘇氏 求之哉惟上帝既不昇殷家以永命故下民皆東心 亂也惟天不界殷家以永命盖信其不固亂者此所 之說日固讀如推亡固存之固信哉天之固治不固 而為我盖以天之明畏自我民明威故也我豈當弋 而求之哉明者天之所明也此其所以佑周畏者天 輔我周家從百里而起以我周家居於王位豈敢 所威也此其所以棄商明畏之來如影響然未常

鉒

四月二三

卷三十二

家猶降格而嚮之盖禮告謹戒欲其改過仲舒曰天 尚不知變而傷敗乃至以此見天心之仁愛人君欲 先出災害以譴告之不知自省又出怪異以警懼之 之所引乎有夏禁不適逸民之道則惟上帝之於夏 謂言其命也惟天惠民惟群奉天則逸民豈非上帝 也言發政施仁以使民安逸者上帝之所引也引者 相與之際甚可畏也國家将有失道之敗而天乃 尚書解

有毫釐之差也上帝引逸此古人之言而周公聞之

金灾四月全書 **譴告警懼於無而無不能用天之戒大為淫決而為** 其罰乃命爾多士之先祖成湯革夏正以有九有之 事在強勉而已此上帝降格嚮于時夏之意也天雖 文曰夏廸簡在王庭有服在百僚是也殷之君自成 師湯之華夏正也則擇其夏之俊民使之治四方下 正其亂也自非大亡道之世天盡欲扶持而安全之 數天故天無所念聞而其惟廢墜其大命降而 以自解釋所謂矯誣上天是也禁雖有辭而不足 致

道 之歷運縣長基業鞏固殷王又皆兢兢業業惟恐失 則 上天之心不以天之王建保人於我而自怠也故 湯以至于帝乙無有不明徳而恤祀恤祀者謂致敬 奉社稷宗廟天地之祭祀也明德則人安之恤祀 肆虐而不明於德謂祭無盆而不恤於祀故視 綇 配天而布其德澤高在今後嗣王謂紂也紂則 神事之人神共散此天所以大建而安治有殷 無明况能聽念先王所以勤勞國家之道乎盖 J. J. 尚書解 淫 罔 使

'n 2)

先王之政為如何哉此言正與召語曰其稽我古人 有 自 天之所以不界殷家以永命盖以殷紂之不明厥德 雖 古昏暴之君其不能率先王之遺範者多矣然未 祇 不畏者惟 若此大丧于段家也天有顯道天顯也下民祗 矧曰其有能稽謀自天理雖相反而意則同 也不顧于天顯民旅上不畏天下不敬民也 為大淫供不顧於天顯民私故惟是上帝不 約謂已有天命天既不畏之矣則其視 惟 若 保 b

쉺

Ĵι

として

卷三十二

後立王生則逸亦罔弗克壽則帝乙以上非 慮乎唐孔氏曰下篇說中宗髙宗祖甲三王以外其 惨於殷此則不知天命也爾當安居於此其可懷他 紂之不善盛稱其先王皆賢正以守位不失故得美 有辭乎今爾多士猶謂殷未有滅亡之罪而天猶 天罰之有其辭也如紂之不明其德而天不界豈非 也故凡在於四方其國無小無大而至於丧亡者皆 此言無不明德恤祀者立文之法辭有抑 3450 無僻王 楊方說 倦

一金定匹庫全書 殷告物于帝惟我事不貳適惟爾王家我適子其曰惟 王若曰爾殷多士今惟我周王丕靈承帝事有命曰割 不正王曰猷告爾多士子惟時其遷居西爾非我一人 爾洪無度我不爾動自乃邑予亦念天即于殷大戾肆 足道也而以為有共德立文抑揚之法自當如是古 君有共德而君納諸大惡無乃不可乎夫桓公固不 而言之此說甚善告魯莊公丹楹刻稱御孫諫曰先 之人皆然也 卷三十二

來自奄子大降爾四國民命我乃明致天罰移爾遐逊 邑商子惟率肆於爾非子罪時惟天命王日多士昔朕 知惟殷先人有冊有典殷革夏命今爾其曰夏廸簡在 惟時命有申今朕作大邑于兹洛子惟四方罔攸賓亦 比事臣我宗多遜王曰告爾殷多士今子惟不爾殺子 王庭有服在百僚子一人惟聽用德肆予敢求爾于天

惟爾多士攸服奔走臣我多遜爾乃尚有爾土爾乃尚

2 9

1.5

尚書解

奉德不康寧時惟天命無違朕不敢有後無我怨惟爾

土子亦致天之罰于爾躬今爾惟時宅爾邑繼爾居爾 寧幹止爾克敬天惟界於爾爾不克敬爾不啻不有爾 予乃或言爾攸居 **厥有幹有年于兹洛爾小子乃與從爾選王曰又曰時** 安於天命而不可有他慮故此又申言之凡我之所 前既言紂之所以失天下亦如禁之墜厥命周之代 段亦如成湯之草夏其一與一廢皆本於天而非人 牙匠屋 名言 之所能為爾多士當平心定氣深思其所以然之故

者天之所子其絕於天者天豈享之哉紂之肆為淫 使之漸染而自化無非天命也靈善也王者之治天 天下四方可以代殷者宜莫周若也盖周之文武大 私意所能為也惟當承天意以從事而已矣能奉天 秩命曰天命討曰天討凡所以施之國家者非人之 下其舉措動作無非天之事故其典曰天叙禮曰天 而不明於德故腥聞于天而天所斷棄乃監求于 尚書解

以不以爾之罪為可誅而赦之又為之遷之以自近

釭 斷絕般之命而汝代之也割殷與割正夏之割同惟 能善奉天之事以治其民故天有命而命我周曰當 定匹库全書 謂告即所謂告于皇天后土之意也非大告武成之 盖此方言天命我有周故周告于天而後代之此所 天以割殷之命命我周王故周王以勑殷命而告于 天謂既充約染於牧野告天不頓兵生事此則非也 天也蘇氏曰將有割殷之事必先告正于天而後行 将有大正于商是也此說甚當漢孔氏曰告正于 卷三十二

文 己 ヨ 其言是矣至於惟爾王家我適乃曰惟于殷則觀兵 泥於先儒觀兵之說而為此解也首子曰王者之兵 我有事于四方易當有再舉而後定乎貳適再往也 復有變其就不明白不如蘇氏於惟我事不貳適曰 告也惟我事不貳適惟爾王家我適漢孔氏曰言天 不試湯武之誅禁紂也拱揖指麾而強暴之國莫不 而歸已而再往不申言貳適者因前之辭也此則是 下事已之我周矣不貳之他惟汝殷王家已之我不 回るない 尚書解

定乎蘇氏之言是也但觀兵之說無經見某於泰誓 度之己已可以取之而彼未可取吾不動也彼可取 趙使誅禁紂若誅獨夫盖王者之用兵既度之人又 **ラロ た ろこで** 已嘗論之詳矣惟爾王家我適當連下文說爾王家 有必勝之道計之之審而後有事馬則豈有再往而 而已未可以取之吾不動也必其彼有必敗之理已 段也言凡我之事未當再往而後定今於爾王家 以往而代之者盖我之言曰惟爾般斜大無法度 卷三十二

仌 四日中日日 徳以光大成湯之緒則周文武雖有聖徳亦将永為 商之諸侯以藩王室而已惟其暴虚淫酒靡所不為 老 天人之所共棄則我之勝商豈至於再乎武王數 伐之則我之於爾本豈有伐之之心哉使紂能明厥 之罪日力行無度而其所以為無度者如日播棄黎 大乎紂既以無度之故天人之所共棄然後我從而 天意之所愤怒民心之所咨怨故不得不應天而順 **昵比罪人朋家作仇脅權相滅則其無度也不亦** 尚書解 +=

代殷盖我念天命而就誅爾殷之大罪 戾者故不正 乃色伊訓日造攻自鳴條朕哉自毫亦此意也周人 伐之紂乃自伐也故周伐之此所以曰我不爾動自 治其餘黨也盖藏厥渠魁脅從問治舊染汙俗成與 矣孟子曰人必自侮然後人悔之國必自伐然後人 正治汝不忍助天為虐也酒語曰天非虐惟民自速 人也則商之丧亡非禍端自周而動也其亂從而起 新此爾多士所以得至於今尚存馬王氏曰今不 卷三十二

ż 辜乃以滅殷為天之虐可乎散發語之聲也遷居西 爾即遷於洛邑也洛者土中而云西者以殷之故都 西也人情莫不欲安故王者必使民安其田里而無 所向而言也唐孔氏日從殷適洛南行西廻故為居 AT OF THE COLUMN 徙之勞非我一人所奉之德不使爾康寧也是惟天 絲毫之擾然後斯民得以事其康寧今乃使爾有遷 命之所宜然在乎無違而已故朕不敢有後而稽留 天命爾無以遷居為出於我之意而怨我也惟爾之 尚書解 十四

夏之多士皆廸而進之簡而擇之使在王庭故有服 爾之所備知也則我周之伐殷亦如殷之革夏而已 殷先人盖皆有冊書典籍以紀載殷華夏命之故事 聽察而任用之者惟其德而已有德則進無德則退 爾其可以有他辭哉今爾乃出怨言曰殷之華夏而 豈有彼此哉唐太宗嘗曰朕任官必以才不才雖親 不能忘小嫌而捐小怨如殷之於夏也盖我一人所 行職事列於百僚今周之於多士也不然則是周猶

とこう 三 とこう 尚書学 於今無所不至子其敢求爾于天邑商而用之哉其 若襄邑王神符亦不妄授若才雖仇若魏徵不棄也 於王都以式化展訓此非我之罪也亦是惟天命而 棄汝也我惟循湯故事肆赦爾罪而於憐爾愚選之 所以舍爾而不求者以其無德也非以有殷之歸而 太宗且然而况於周乎今爾多士染殷之餘習驕淫 已盖王者與天地合其德先天而天不違後天而奉 天時故其所舉動天即聖人聖人即天故周公之於 十五

金牙口戶名言 段遷其頑民以密邇王室與夫以其無德而不任之 自伐奄歸周乃大降點爾四國民命明致天之誅罰 挾武庚以叛周公親率兵以誅之先誅三監後代奄 三監及奄也方武王即世而周公攝政三監及淮夷 於汝其餘民則自遐逃之地而移之以密遇王室使 以官雖皆周家之政皆以為天命也奄准夷也四國 也周公東征則來自奄者周公此言王若曰昔朕來 之親比以臣事於我家以多為遜順革其不善之習

我之管作大邑于此洛邑也盖以四方諸侯朝覲貢 然我不忍不教而誅汝故我惟是命令以申告汝也 我宗猶言我家也非康叔也言爾多士之罪固可殺 徒之遠方而康叔封於殷之故都安得臣於康叔乎 退逊王氏以為徙其民於遠方此事無所經見既徙 自洛而視殷之故地則殷為遂故以還于洛為移爾 之遠何為而又遷之周哉王氏又以我宗為康叔既 自奄則以來自奄為成王與成王既伐管叔蔡叔同 尚書解 +

新土先儒以為還有本土非也其遷之也将使密遍 有成周既建此都邑以遭爾多士矣爾無幾能有此 徳之聚也能敬心有徳徳以治民君請用之蓋殷士 界子之於憐之界於者廸簡而在百僚也左傳曰敬 於此而得其所止也爾若能修已以敬則天必有以 而多為遜順以四方之故故有王城以多士之故故 王室式化厥訓豈又還有本土哉庶安居於此幹事 而無以賓之又欲使爾多士服勤奔走以臣於我 白さ 卷三十二

金灾

戽

子孫 罰於汝之身也今汝惟是安居於汝之新邑而其子 謂其子孫也先儒以遷為遷善其說為曲不如蘇氏 邑矣繼爾居則是有年也小子與酒許之言小子 於遷洛殷人怨不在王庭百僚故成王以此答其意 E) 不敬則宣持不能有此新土而已哉我將致天之 汝能敬天安居汝子孫其有與者其所由來皆自 敬則是遷善遠罪故天界於而使周用之也如其 孫繼繼承承居於此則爾其有幹有年子兹洛 尚書解 ナ よ 同

博士之言曰王曰又曰時予乃或言爾攸居疑此二 辭非王語也今史官録王之言曰以前事未盡故言 也是也盖人之愛其子孫天下之至情也故以此誘 句有誤陳少南尤為詳明日王日之下當有文其簡 之王曰又曰者唐孔氏謂凡言王曰者皆是史官録 脫矣又曰者承上文而言之也多方之末曰王曰我 又曰蘇氏曰非一日之言故以又曰别之皆不如薛 不惟多語我惟祗告爾命又曰時惟爾初不克敬于

安四月 · 三

卷三十二

欽 盤庚皆是告以遷居之意故其辭意多相類非我 攸居其文承上上簡脫矣予不能知其下矣此篇與 邑也無我怨即所謂爾無共怒協比讒言子一人 汝威也時惟天命無違即所謂天其永我命于兹新 定四車全書 諄諄告諭之言開其為此而禁其為彼不約而同也 大抵皆然盖古之聖人惟不忍鄙其民而欺之故其 人奉德不康寧即盤庚所謂予近續乃命于天子豈 則無我怨用是知王曰之下當有文也乃或言爾 +

漢之初以妻敬之言遷齊諸田楚昭屈景無趙韓魏 雖商之餘民染於惡化不能自反而成王康王建皇 意然周公之遷殷民盖使之密遍王室式化聚訓故 富人及豪傑兼并之家於諸陵是亦遷殷碩民之遺 後及豪傑名家以實關中其後世徒吏二十石高貨 已非有化之之道也故關中以五方雜錯風俗不統 民丕變於忠厚漢之遷豪傑徒為強本弱支之街而 於上周公君陳畢公敷大德於下歷百年然後斯

無逸 周公作無逸無逸周公曰嗚呼君子所其無逸先知稼 漢者所謂不及言者也 秦少游學士曰太上忘言其次有言其下不及言若 而歸善漢則不然惟命之遷則遷未嘗有語諭之辭 遷之也則以優游寬大之言雍容而漸漬之使之感 2.5 尚書解 周書

其世家則好禮文富人則商買為利豪傑則游俠通

姦其與周之風俗固萬萬不侔矣不獨此也周公之

穑 父母曰昔之人無聞 之艱難乃逸則知小人之依相小人厥父母勤勞稼 年覽萬幾之務於盈成之後非有櫛風沐雨之艱 周之與也以百里之諸侯積德累功乃代商而有天 展子乃不知稼穑之艱難乃逸乃諺既誕否則侮 太平矣而後成王即改盖其膺萬東之事於幼稚 以聽於冢宰制禮作樂制度紀綱罔有不備天 統兵而後成王嗣立成王之立也百官總 知 而 聚

英世 压 全 · ·

卷三十二

欽定四庫全書 一 名篇而豐祭酒亦曰仲尼亭書以周公所戒名篇夫 為周公也漢孔氏曰成王即政怒其逸豫故以所戒 豫之心未前而其諄諄告戒之言已如此此其所以 然則衆人之所能知也何賴於賢乎周公於成王逸 安之效則逸豫之心不期生而自生矣故周公於其 遂據此富貴之勢非有舜精疲神之勞而遂事此治 平賢者為其能敗亂於未然閉邪於未形也若其已 政之初而遂作此篇以為戒也范內翰當曰所貴 心書解 主

周公之戒成王其大意固在於無逸然謂以此義而 書之序有直言其所作之人而不言其所作之事者 通者尚不於命篇之名必求其義則無拘泥之弊矣 篇之别故其義有可得而通者亦有室礙不可得而 有其義殊不知此皆當時之史官撮取數字以為簡 由於以序書之作出於孔氏之手故以其篇名為皆 命篇之名則必有室礙矣何者以書之五十八篇其 命篇之名固不能皆可以包括一篇之義也其說盖

欴 定日車全書 作之故則是文義已明白易曉矣何為又申言於序 夫無逸之序既不言其所作之故而於篇之發首亦 其序之也正其名而已故曰周公作無逸此亦不然 而已可也然考之五十八篇於其發首有詳言其所 不言之則謂其文義明白易曉故於其序但正其名 但云周公作無逸而薛博士亦曰無逸之義昭矣於 伊尹作成有一 日本篇論無逸之事文義已明白易曉故孔子作序 徳周公作無逸立政是也司馬侍請 尚書解

故此皆各出其當代史官一時之旨意不可以為說 誓大語是也有其事迹見於篇首而序則不言者成 體往往不同有其事迹見於序而發首則不言者湯 也是故為之說者必室礙於五十八篇之中矣君子 有一德是也惟此篇之序與發首並不言其所作之 日周公歎美君子所在常不可逸是也盖人君之 所其無逸者言君子之所在其惟無逸也司馬侍講

犯盖書之序本自為一篇不以冠於每篇之上故其

於 包日車紅 身而賊之者甚衆或以酒或以色或以音樂或以 者乃有隙而可入矣此君子所在所以不可以逸也 其原則自於人君之逸而人君有好逸之心則是數 獵或以宫室或以珍禽奇獸皆可以兆天下之亂而 然人君以無敵之貴無倫之富則何欲而不獲何為 步之内數年所不可得而成者可使成之於一日之 而不遂故雖萬里所不可得而致者可使致之於數 如此則逸心浸淫矣是以逸者常易而無逸者常 尚書解 ニナニ

難逸者常多而無逸者常少自非有以警懼而制取 寡人生於深宫之中長於婦人之手未當知憂未當 無逸者必先知稼穑之艱難也魯哀公問於孔子曰 思哀則哀將馬而不至君昧真而櫛冠平明而聽 敢發有所像而不肯發則何以能無逸哉故君子之 之使之憂於是慮於是而其好逸之心有所畏而不 知勞未嘗知懼未嘗知危孔子曰君入廟門而右登 作陪仰視狼棟说視几 選其器存其人亡君以此

最為劳告艱難寒耕熟耘沾體塗足終歲勤力幸無 债所餘已無終其田多口少者催能周一歲之用其! 水旱填蝗風電之灾然後以所得先輸租稅次價通 其敢忘乎哉此所以無逸也司馬侍講曰夫農之事 難是亦孔子欲哀公思之之意也有以思之則其戒 勞也懼也危也皆然問公欲無逸者先知稼穑之艱 恐懼之心不敢忘有以知之則其矜憐撫養之心 尚書解 F

物不應亂之端也君以此思憂則憂將馬而不至

襟之間 者豈有復過於此哉夫能以稼穑之艱難常置於智 者不可勝數為天下之至勤受天下之至苦天下之 無衣食至於東餒而死觀此言則天下之所謂艱 田少口衆者不免又假貸於人其所食不厭糟糠其 将謂彼之勞苦萬狀我何思以逸為哉斯民必将得 匹庫全書 衣食皆出於農能活舉天下人性命而農夫反自 衣不具祖褐岩稍遇水旱饑饉則凍餒死於溝壑 思及此則怵惕惻隱之心油然而生矣盖 卷三十二

定

逸盖好逸未必得逸無逸者自然逸也李朝曰人皆 矣惟以稼穑艱難為念而不留意於逸者乃所以能 戒何其謀逸之亟也盖曰王當先知稼穑之道惟艱 先知農夫之艱難乃謀逸豫非也周公方以逸為深 知重斂可以得財而不知輕斂之得財愈多柳子厚 以逸豫為謀則是有心於逸有心於逸則将為民害 乃所以逸樂此說是也先儒之失在於謀之一字 1. 1. 尚書解 千四

以從事於毗畝之間而無絲毫之擾也蘇氏曰舊說

阜無為矣然舜之所以享其逸者豈無所用其心哉 心已在於逸也效之必至理之固然也自古無為之 自耕稼陶漁以至為帝則稼穑艱難備當之矣不獨 知之也此其所以無為而逸也人君知稼穑之艱難 己正南面而已矣揚子問道亦曰垂拱而視天民之 公無逸乃逸之說也夫無逸而乃逸非是無逸者其 日汙吏之為商不若廉吏之為商其為利也博是周 四月五十 惟舜孔子曰無為而治者其舜也敏夫何為哉恭 卷三十二

丘

孝無知之子其父母勤勞於播種收獲得以養育其 難 子其子不勞而坐享其父母之養故不知稼穑之艱 力使其失所依也其可以逸手相 也魚無水則死故魚之所依者水人無衣食則 不徒然也欲知小人之所依夫小人之所依者衣食 以自存故人之所依者衣食君能知人之所依者 則其一注 既已不知之矣故其操心不危而慮患不深以茍 措一號一令惟恐其奪民時而困 尚書解 視也視彼農夫不 二十五 不能 在 民

業 帝宣帝光武唐太宗本朝太祖太宗皇帝是也 目前所以肆為逸樂輕费妄用以敗壞其父母之基 遂享有前世之富貴得之既易故其於稼穑之艱 體守文之主未當苦其心志勞其筋骨一旦嗣立 惟自側做而起者無不有知稼穑之艱難 其無所聞 然 而又叛諺不恭無所拘束既而誕妄以欺其父 則 押侮其父母曰汝乃故老之人無所聞 知故不能享其逸樂徒自苦耳古之人 如漢高 知意

鉑

定

四庫全書

卷三十二

· 舜躬耕歷山伯禹親事土木陛下不親列聖之遺物 官見而問馬左右以實對文帝色熟有近侍進曰大 **耜之具頗有存者皆命藏之以留於後及文帝幸舊** 勿食至會所設饌日旰不至有飢色乃謂曰汝曹少 何 元嘉之賢君也猶不足於此况其他乎夫文帝以耨 以知稼穑之艱難何以知先帝之至德乎夫文帝 耻誠為失德然其錢衡是也將行物諸子且

三日華 年 二

尚書解

文

鮮有知之者如宋武帝微時躬耕於丹徒及受命耨

儉都 長豐逸不見百姓艱苦今使汝曹識有機苦知以節 彼其以武帝之躬耕為耻者盖耻其先世之微耳唐 明皇會種麥於苑中帥太子以下親往英之謂曰此 生而富貴不知饑餓耕獲為何等物故致之於因厄 耳宋文帝使其子幾唐明呈使其子刈麥皆是思其 以為宗廟故不敢不親其欲使汝曹知稼穑艱難 勤之地而使知之也子既知之則不敢侮其父母 物耳則是文帝於稼穑之艱難非不深知之也 尺三丁豆 1. 1. 帝不巧何不統用琉璃此則所謂侮厥父母曰昔之 碧武帝與光樓上施青漆世謂之青樓東昏侯日武 得此已為過矣齊廢帝東昏侯起宫殿皆布飾以金 其羣臣觀之林頭有土障壁上掛為燈籠麻繩拂侍 中表閱盛稱高祖儉素之德孝武不答獨曰田舎翁 矣如宋孝武壞髙祖所居陰室於其處起玉燭殿與 可責也文帝曾欲作露臺召匠計之直百金上日百 人無聞知也宋武帝齊東昏無足責者若漢武帝則 尚書解 主

臺為是文帝之心戰戰兢兢惟思其不能享先帝之 金中人十家之産也吾奉先帝宫室常恐羞之何以 ア四尾在 · 一 武熟與高皇帝而乃傲睨前世以為不足手雖其號 輕視前世之制故由此而積之則高皇帝名約束紛 前世之制為狹隘鄙陋不足以示天子之尊也惟其 稱千門萬户土木之功過於前世數倍則其心必以 餘慶也而武帝則不然起建章宫左鳳闕右神明號 更始盡矣胡不思曹参問惠帝之言曰陛下熟察聖

度治民祗懼不敢荒寧肆中宗之事國七十有五年其 公曰嗚呼我聞曰昔在殷王中宗嚴恭寅畏天命自 武帝乃知周公之言誠萬世之明鑒 齊斯民不可少有改易方可以持盈守成也觀諸漢 厥父母曰昔之人無聞知此誠盡夫不肖子之情狀 小人之子不知稼穑之艱難乃逸乃諺既誕否則 而進戒於王盖欲王謹守文武憂勤恭儉之道以). J. . 尚書解

令文章煥然可述而其所失者大矣故周公取喻於

庶民不敢侮鰥寡肆祖甲之事國三十有三年自時 義惟王舊為小人作其即位爰知小人之依能保惠于 大無時或怨肆高宗之享國五十有九年其在祖甲不 在高宗時舊勞于外爰暨小人作其即位乃或亮陰三 年不言其惟不言言乃雜不敢荒寧嘉靖殷邦至于小 年或五六年或四三年 後立王生則逸生則逸不知稼穑之艱難不聞小人之 定匹厚全書 耽樂之從自時厥後亦罔或克壽或十年或七八

戒之使之知夫前世積累之不易而不敢輕也然周 年有永其逸者則盛墜厥命使成王将欲耽於逸樂 公之心猶以為未也又稱商家之君其無逸者則歷 欲其知稼穑之艱難而又以夫小人之逸諺誕侮者 此治安之效則畏懼之心易弛而驕怠之心易生故 平未當勞其筋骨苦其心志而遂據此崇萬之勢事 周公之作無逸盖以成王聽政之初而天下既已太 苟目前之好則無望乎享國歷年之永將欲者支 与皆得

金 聲色游吸以肆其逸豫之情人君之所欲也而享國 壽考以保無疆之福則雖一日之逸亦不可為也盖 其所欲庶其知所慕矣此周公作無逸之本意也詩 無逸之君而為言也司馬侍講曰前代無逸之君多 日殷鑒不遠在夏后之世殷之鑒在夏后之世則周 長久以介眉壽又人君之所大欲也以其所大欲節 定匹库全書 矣獨稱商家以來賢王者商事最近周人熟知其詳 之鑒其在殷之世矣故周公之戒成王所以舉商家

諸侯歸之故其廟為中宗盖古者祖有功而宗有德 鳴呼是也中宗大戊也大戊湯之玄孫大戊兄雍已 其他廟則親盡而送毀惟祖宗之廟則百世不毁馬 之立為王也殷道東諸侯或不至及大戊立殷復與 所言者意深事重則必先數息周公語每更端則 是也此篇言周公曰嗚呼者七司馬侍講曰人欲有 故取其切近者言易法也商之賢王不言成湯而言 三宗者危内翰曰三宗繼也有天下之君與成王同

飲定四車全書 1

尚書解

手

之戒舉段三宗以勸成王由是言之宗無數也然則 殷大甲為大宗大戊為中 宗武丁為高宗周公無逸 故劉歌曰天子之廟七七者其正法數可常數也宗 也盖天命之無常脩德則降之以福不脩德則降之 **毁日中宗者其廟號也嚴恭寅畏天命者言其畏天** 大戊之稱中宗盖殷人以其有德以立廟為宗而不 不在此數中茍有功德則宗之不可預為設數故於 以禍故不可不敬畏之也唐孔氏謂嚴是威恭是貌

火 度也猶所謂身為法度也能自治以法度則不耽於 行私心敬也其畏天也豈徒然哉自度者自治以法 其義同而重復言之者多矣此正如所謂日嚴祗 士豐祭酒皆從而為之分别皆不必如此既曰嚴又 寅是心胡博士則以嚴為貌恭為行寅為心如薛博 AND THE COM 逸豫矣史記日大戊立伊陟為相亳有祥桑義共生 六德言敬重六德之人與之共事而王氏以為貌嚴 日恭又曰畏盖言其畏天之心有加而無已書之文 尚書解 丰二 敬

德帝之政其有關與帝其脩德大戊從之而祥桑枯 自安也昔禹之訓有曰予臨兆民凛乎若朽索之馭 知矣惟其自度故以治民則致其祇懼而不敢荒怠 死夫大戊之於天命其戰兢兢如此故其自度可 寅畏天命所謂畏天顯也治民祇懼所謂畏小民也 六馬為人上者奈何不敬則治民不可以不抵懼也 酒語曰在昔殷先哲王迪畏天顯小民大戊之嚴恭 朝一暮大拱大茂懼問伊陟伊陟曰臣聞妖不勝 死色日華全書 一 宗欲傳說之訓朕志非是高宗舊勞于外之事也高 為高宗舊勞于外之證據說命既乃逐于荒野以下 無不以說命言既乃逐于荒野人宅于河自河祖亳 之文乃甘盤逃逐而去匿迹晦名不知其所終故高 尚書解 李二

外及小人共事故曰舊勞于外爰暨小人諸家說者

其知稼穑艱難人民疾苦故使之出居民間勞告於

高宗武丁大戊之孫武丁未即位之前其父小乙欲

惟其無逸如此故在天子位享國祚者七十有五年

宗 靖當訓治釋話日靖謀也周頌日靖四方毛日謀 其數心無有怨之者先儒以清為謀言善謀殷竊謂 不言故言則天下信之矣而髙宗之所以治民者則 敢逸豫居丧則亮陰而三年不言其寫於孝道如此 亦 鄭 免丧則可以言矣故言而天下莫不雍和盖惟其 既久居民間親履其勞是以起而即天子位則 如中宗不敢荒寧故能善治商邦或小或大皆得 曰治也鄭說為勝則此亦當訓治惟其無逸如此 不

者先儒曰此以德優劣立年多少為先後故祖即在 紀武丁崩子祖康立祖康崩弟祖甲立是為帝甲帝 之本意而鄭康成乃以祖甲為武丁子帝甲案殷本 短故先言享國之最長者非世次也此說為得周公 下而蘇氏之說尤為明白其說曰此方論享國之長 先大甲次大戊次武丁今乃以祖甲列於武丁之後 甲湯孫大甲也大甲者大戊之祖論世次之先後則 故髙宗之在天子位享有國祚者五十有九年也祖

欴

定日車全書

尚書解

丰

武丁之後則其說似為勝然帝甲既以淫亂而殷道 於人間 甲淫亂殷復哀殷之君既有祖甲而又其世次在於 文王此其文不可謂不以世次先後言之也夫周公 則非無逸之君周公豈取之哉康成之說以謂帝 且謂周公言自殷王中宗及高宗及祖甲及我周 以憑信陳少南亦以此說為信而以可馬史記為 有兄祖庚賢武丁欲廢兄立弟祖甲以為不義逃 故曰久為小人此說盖本於馬融無所經見

2 2 3 子小子不明于德自底不類欲敗度縱敗禮以速戾 自殷王中宗及高宗及祖甲及我周文王盖因前之 于厥躬正所謂不義惟王舊為小人則以祖甲為太 謂之誣哉觀太甲之篇曰兹乃不義習與性成又曰 文也非其世次也唐孔氏引國語曰帝甲亂之七代 甲豈不明甚寧不愈於康成所載祖甲舊為小人之 項則司馬氏以帝甲為淫亂之主不為無據豈可 1. 1.to 1887 尚書解 三十五

既以專國之長短為先後而列序其事於上矣其曰

盆 定 事乎惟太甲之初立陷於不義而為小人之行故伊 奪民時而田民力故能安順於眾民雖鰥寡不能自 尹放之於桐官致之於憂患之地而作其愧恥之心 國者三十有三年也自時厥後謂繼三宗而立者或 存者皆有以敬而養之惟其無逸如此故大甲之享 既三年矣則能悔過自責處仁遷義以聽伊尹之訓 在中宗之後或在高宗之後或在祖甲之後也其所 已故其起而即位則能知小人之所依不為逸豫以 四压名言

宗則其事國之水亦将如之久者七十五年其下者 亦三十三年尚逸豫於上如商之後王則其享國之 其賢否為之鑒戒盖欲使成王憂動於上如商之三 享國髙者十年短者三年而已周公引商家之君以 稼穑之艱難不聞小人之勞故惟耽樂之事則從而 為之惟其逸豫如此則所以伐性預壽者多矣故其 立之王生則逸豫無度自適一己之樂而不復恤斯 民馬其所以逸豫者則以生於深官長於富貴不知

大三日 · · ·

尚書解

三十五

成王将何擇哉世之人多以壽夫歸之天命殊不知 促亦将如之其久者不過十年其下者惟三年而已 之永至於七十有五年如此則可以歸之命何者莫 而其享國之促至於四三年逸豫如後王而其享國 斧耳樂淫聲命曰攻心之鼓口貪滋味命曰腐腸之 取也豈命也哉古人有言曰目爱采色命曰伐性之 之或壽或天於已取之而已矣苟其憂勤如三宗 致而至者命也若夫憂勤而壽逸豫而天乃其所 卷三十二

者紛華之可樂皆慾之可玩故多不得其天年而死 深山窮谷之中者暴露其膚體勞苦其筋骨歷歲窮 機此五者所以養生亦以傷生則肆逸豫者最為害 藥鼻忧芬芳命日薰喉之烟身安與腳命曰召蹶之 以是觀之則人君之壽豈不本於無逸乎自古人臣 之大伐性殖壽所由以起也今夫天下之民其居於 故其壽多至於百年其居於都邑之間輦毅之下 而不得休息雖終其身而不知聲色臭味之為可 的野军

周 之爱君未有不欲其君之壽考盖洪範五福一日壽 王盖欲其享國長久與天地相為無窮其愛成王之 公日嗚呼厥亦惟我周太王王季克自抑畏文王早 可謂至矣而其所以享國之久長者則在於無逸 福以壽為先則世之所謂百福者莫壽若也天保 揚王休也亦曰天子萬年天子萬壽周公之戒成 上之詩也則日如南山之壽不審不崩而召公之 知周公爱君之深所謂爱君以德者也

鉱

定四庫全書

200

卷三十二

攸 レス 于 萬 庶 若時人丕則 周 曰 即康功田功繳柔懿恭懷保小民惠鮮鰥寡自朝 日中是不遑暇食用成和萬民文王不敢盤于遊 嗚 民惟 欲成王以之為法又引商之後王逸豫自適而 公之戒成王既引商之三宗憂勤不怠而歷年 那 呼 惟正之供文王受命惟中身厥享國五十年 正之供無皇日今日 繼自今嗣 有愆無若段王受之迷亂配于酒德 王則其無淫于觀于逸于遊于 耽樂乃非 民攸訓 非 圣 哉 田 有 周 田

うける

飲定四庫全書 實促之也在我者有以促之也天之於人吉凶毒夫 實延之也在我者有以延之也後王享國之短非天 墜厥命欲成王以之為鑒意謂三宗專國之長非天 然周公之心猶以為未也又以文王享國之效而告 無逸之心豈可以不如三宗哉此實問公愛君之至 逸不逸之異耳成王將欲享國長久如商三宗則其 之盖前代之君去周之近莫如殷而我周家祖宗之 如影響然豈獨私於三宗而偏疾於後王哉以其有 卷三十二

钦定日車 全書 德而其子孫之弗率遂言其烈祖之成德以訓于王 成憲可為指模者比之商又為近馬故先引商家之 之所以能肇基王迹王孝之所以能勤勞王家而 古之大臣陳善閉邪以故沃於君者率用此道也周 君而後言我先王也如伊訓之篇先言夏后氏之懋 王王季皆能謙抑而畏懼未當懷騎怠之心故大王 之基業自此與矣文王繼之然亦不敢逸豫以困 公嗟歎而言不獨商王然也我先王亦然我周之大 尚書解 美 周

夫匹婦無有不被其澤則無望乎適一己之便逸豫 是不暇飲食也盖為成和萬民而已夫欲天下之也 民馬盖天生民而立之君以司牧之将使以一人而 夫加惠於鮮之鰥寡之人而已自旦至于日中及日 功而已柔和恭敬之德皆盡美也盖為懷保小民與 用以甲其衣服也盖為就其安民之功與其治田之 斯民之不獲為慮而不以一已之憂勤為難恭儉節 治天下不以天下而奉一人故文王之治其國惟以

ر د د 民不獨此也又不敢盤樂於遊田者盖以無邦之貢 者使文王為鮮衣美服則必不能就安民治田之功 者可以適一已之便矣而天下之民必有不得其所 王寧屈已以便民不肯拂民以奉已也然文王之爱 必不能咸和萬民何者天下無兩全之利也是以文 天地之生財有限而無邦之貢賦有常者以供其私 惟供所當用者若以供遊田之費則非其正矣夫 虐暴慢則必不能加惠於窮民惟口腹之是念則). J. . 尚書解 二十九

金方四层在七 費則必有不繼者而橫賦暴斂將自此起矣文王之 聲音沒貌而為之猶言允恭克讓也日中是謂日中 時年四十七於身非中而言中身舉全數而言之也 有國祚者五十年受命惟中身者文王九十七而終 所以不敢盤子遊田也惟文王之無逸如此故其享 言之正得其华故於身為中也唐孔氏曰文王即位 而享國五十年則受天之命而繼世即位以九十七 懿旨美也徽柔懿恭言柔之與恭皆盡其美非以 卷三十二

至日中及是而不暇食其勤可見矣追即暇也唐孔 損上盆下為益損下盆上為損損下者宜上之益也 方時是也夫謂之食時則人飲食盖以此時今自且 後日映映即具也謂日蹉跌而下也說文曰日在 及灵時也在傳曰日上其中食日為二旦日為三是 氏日重言之者古人自有複語猶言艱難是也在易 以日有十數平旦而後食時食時而後日中日中而 乃為損者百姓足君熟與不足故也文王欲即康 尚書解 西

鉑 損毒武以逸樂延年之言其戾於經世之言文武之 國久長盆就有大於此者乎而說者乃有文以憂勤 和萬民則不追服食身為人君而其奉養如是之薄 功田功則甲其衣服欲惠鮮鰥寡則榝柔懿恭欲咸 定匹库全書 年皆所謂期頤之壽也魚麗之序曰文武以天保以 年者文王九十七而終武王九十三而終是文武之 上治内采複以下治外始於憂勤終於逸樂是文武 綸如是之勞可謂損上益下矣而其效則至於享 卷三十二

位十一年而代商既克商二年而前其集大統也盖 則是文王年十八生武王至崩時武王年八十矣即 年之言所欲與武王以三虧盖将以成其克商之志 與爾三馬惟文王自減其三以益武王故有損壽延 逸樂也既非文王憂勤而武王逸樂而文武又皆享 皆以憂勤之故而後享其逸樂非文王憂勤而武王 年哉為此說者盖以文王世子之言我百爾九十吾 頤之壽安得謂文王以憂動損壽武王以逸樂延 与管军

必一一而辨之則如隱公之觀魚莊公之觀社所謂 故并言之是也淫過也觀逸游畋皆所謂逸豫也欲 定四库全書 以或損或增者非以憂勤逸樂之故也周公謂文王 無逸享國久長先儒乃謂文王以憂動損壽學者 是也司馬侍講曰不獨成王當以為戒繼自今以 熟信哉繼自今嗣王繼,自今以往嗣世之主皆當 嗣世之主皆當以為戒周公用意深遠垂訓後世 於所與三戲之內不與之則商不可得而克其所 卷三十二

舒

K 7 - Port 60 (TV **畋人情所不能免也先王豈惡之哉所惡於觀逸遊** 政者謂其過也過而為之如前數君之所為則所費 民之稅賦惟供其所用者其可輕費而妄用哉或曰 不貨下民有受其弊商之後王所以享國之促者盖 此也故自今嗣王不可過為觀逸游败之樂以萬 謂游也太康畋于有洛之表所謂畋也夫觀逸遊 所謂逸也周務王周行天下将皆必有車轍馬迹 dula. 尚書解 막는

觀也秦二世居禁中公卿希得朝見唐敬宗日晏坐

恃其富強之資靡所不為明珠文甲通犀翠羽之珍 庶邦或曰萬民亦是史家之體經緯其文不必為之 盈於後官蒲稍龍文魚目汗血之馬充於黃門廣開 其享國亦将如三宗文王矣夫享國之長久在於無 上林穿昆明池營千門萬户之宫立神明通天之臺 淫于觀于逸于遊于**政以萬民惟正之供而漢武帝** 說也能愛惜萬民之膏血而不以供一己之私欲則 又嘗物兵十餘萬北巡朔方遂東幸缑氏登中嶽東 卷三十二

夫自古人君之耽樂也豈以其害治而為之哉盖以 蓬莱以求長生延年之街正所 也不可自假曰惟 籍白金造皮幣算至車船租及六畜其肆為逸樂 樂者非所以訓 行萬八千里其费不可勝計於是推酒 取於民一至於此乃欲禮方士祠神人遊大海望 民非所以順天是人大則有過矣 今日為此耽樂他日不復為也夫 与野工 謂 都行而求及前人 **酷莞鹽鐵**

巡海上封禪泰山復並海北之碣石歷北邊八月之

鉑 歲亦可以一歲之逸為無害則雖終身亦可也 盖人 不可哉然兢兢業業一日二日萬幾一日二日之間 為無害也彼自以為終歲憂動惟一日之耽樂有何 為無害則雖一月亦可以一月之逸為無害則雖 而危亡之幾至於萬數故一日之勤則有一日之效 君不可以有逸豫之心苟有其心則日復一日月復 定匹库全書 一日之逸則有一日之害自此而積之以一日之逸 月歲復一歲浸淫橫流而不可過矣夫仰天而天

Ė Ð 息故也息則不可以久不可以久則善心日消人愁 馬 腐矣盖至誠無息悠久無疆皆不息之積也苟有息 或倦俯地而地或怠則其確然隤然者且將與物 此而積之則朝夕之間左右之臣将務為阿諛矣 肆而無復有為矣昔宇文士及謂唐太宗曰南 則一日之耽樂而終身之禍其在是矣何者以其 臣面折廷諍陛下不得舉手今日幸在左右不少 順則為天子亦何即使其以少有将順為無害 衙

たと

Ð

Ē

di dia

尚書解

四十四

す 桑 運百魔於齊外暮運百魔於齊內人問其故侃曰吾 源盖自於一日之就樂故周公戒王曰無若商王受 逸其害如此人君能以陶侃之心為心則豈以今 耽樂為可哉觀酒語言商紂之酣身至縱淫佚于非 之迷亂以沈酗于酒而為德東坡曰周公戒成王曰 學之源其不可放也如此陶侃在廣州無事朝 致力中原過爾優逸恐不堪事侃之心以一日 用燕丧威儀厥心疾狠不克畏死其禍慘矣而其 Ė 之 朝

楊帝賈誼日前車覆後車戒秦世所以虽絕者其轍 唐太宗營洛陽殿張元素曰昔阿房成秦人散章華 之意夫商亡而周代之則必以商之惡為諱而其可 迹可見也然而不避是後車又將 覆也此皆得周公 就差泉離乾陽華清隋人解體臣恐陛下之過甚於 進言於上切直而無避諱者此實大臣爱君之心也 人君曾莫之罪而前史書之以為美談此說甚善盖 四十五

無若商王受之迷亂酗于酒德成王豈有是哉當時

公曰嗚呼自殷王中宗及髙宗及祖甲及我周文王兹 之正刑至于小大民否則厥心違怨否則厥口詛祝周 民 周 諱 鑒者莫如商泰亡而漢代之則必以泰之惡為諱而 使其知所警也 其可鑒者莫如秦隋七而唐代之則必以隋之惡為 無或胥請張為幻此聚不聽人乃訓之乃變亂先王 公曰嗚呼我聞曰古之人猶胥訓告胥保惠胥教誨 而可鑒者莫如隋故忠臣之言必以此而獻替上

£

埞

四月在三

卷三十二

辟 欽 周公曰嗚呼嗣王其監于兹 商之後王及紂之酗于酒為戒戰兢兢懷憂動戒 懼之心以保盈成之業不可以須與舎雖一日之 不寬綽厥心亂罰無罪殺無辜怨有同是叢于厥身 公既欲成王以商之三宗及我周之先王為法以 尚書解 四十六

愆

四人廸哲殿或告之曰小人怨汝晋汝則皇自敬德厥

張為幻日小人怨汝詈汝則信之則若時不永念厥

曰朕之然兄若時不啻不敢含怒此聚不聽人乃或

定四庫全書

萌 樂亦不可為乃可以享國久長以介眉毒矣周公於 治之世政教脩明海內人寧可無事於獻替矣然其 反覆而言之也古之人謂前古威治之世也前古盛 此又以謂為人君者苟能無逸則公公則明明則義 以治安尚或逸豫則心術不明心術不明則讒邪必 亂亡並作其源皆自於一日之逸此周公所以又 讒邪萌則怨盡必生怨盡生則刑罰必虐此其所 無自而萌怨離無自而生刑罰無自而虚此其所

情通則民之利病罔不周知此民之所以無能相 張而為幻也夫小人之壽張為幻類出於宴安無事 臣猶 故其壽張為幻無所不至也惟古之人猶胥訓告保 之世方其宴安無事也自以為上恬下熙怡怡自 順適其所欲彼將自以為既得是人則可以安枕矣 事為意哉人主既不以國事為意而讒邪之人又能 方甘心於聲色之奉游畋之樂惟恐失之其肯以國 相與訓告保惠教誨於其君君無聽於上而

大

至日車台馬

尚書解

聖

宗之世惟其屈已以從諫有所不言言無不聽公卿 膏育心腹之疾為其壅遏否塞必将百疾間作唐太 惠教誨則姦那不能乗間投隊而入之此其所以 權萬紀休之以財利而不納其誰能壽張為幻哉以 大夫皆思陳善閉邪以輔成人主之徳是以治道通 能講張為幻也譬之人營衛開通血氣周流斯能 唐太宗觀之則知古之人其所以抑絕小人使不能 而小人不得以摇其志封德奏誘之以律而 不從

守文之世所以每至於亂者惟其不能守也盖其始 道訓之者遂發亂先王之正法至于小者大者無不 割業垂統為可繼矣惟在於守之而勿失也然自古 祝也夫天下已安已治謂之守文之世者言前世人 民将自此而不寧此心之所以違怨而口之所以祖 古人之所為則邪佞非僻之言易入故人乃有以非 紛更也夫先王之正法民情之所安也今既變亂則 請張為幻者惟其胥訓告保惠教誨而已茍其不聽

東 E 日 年 在 大与 1

尚書解

野

也必有小人馬以前世之法度為不足守欲盡取而 其私智謂前世人法度狹鄙廢墜不足以有為非更 度與然可述君臣無為固足以為治矣然其變亂先 也漢之張湯桑弘羊唐之宇文融李林甫其所以致 張則不可其意盖謂不如是則不能以其世而固寵 位公輔思龍固結而不可解者惟以是故也故問 王之正刑者皆小人之喜作為不能安於無事故奮 紛更之則天下之亂萌於此矣當其治安也紀綱制

言而進於君也保安之也惠順之也惠與不惠于阿 胡博士則曰訓告以言保惠以德教誨以道林子和 度况太甲成王手訓告保惠教誨旨是言人臣以 而唐孔氏謂教誨以義方訓告以善道安順以美政 衛之惠同既日訓告又日保惠又日教誨則人臣, 於君其所以将順其美而彌縫其闕之端盡於此矣 改正此意也夫舜大聖人也而益猶戒之以罔失法 之言有及於此伊尹之告太甲曰君罔以辯言亂舊 わたり、「

鉑 變因形移易者謂之化謂之幻漢張審傳曰大宛諸 為善詩張爾雅曰狂也幻相詐感也列子曰窮數達 相 者言臣之相與以是而改廸於上也與官師 定匹库全書 則] 則 可也盖一一而辯之非周公本意所存不辯可也胥 同 說皆貌碗而不安尚易彼而為此易此而為彼皆 日訓告以事言之保惠以德言之教誨以道言之 知古之人君兼聽亂世之君專聽小人而已此 陳少南日古人之言言胥訓小人之訓不言胥 相 規之

たとりを 曰外 幻 謂之為幻可謂得小人之情狀矣違怨者司馬侍 難國言未已進昨者莫不誇令尹則是祝祖者因)競邪之人以是為非以非為是感亂人主之視聽 同 祀 而為之也否者言民之不違怨則詛祝 PP 者唐孔氏曰告神明令加殃各也傳曰楚部宛 雖迫於威刑不敢不從獨其心相違而怨憾也 Le dute 1 今在刀吐火植瓜種樹居人截馬之街皆是 尚書解 不 芒 祝

國以大鳥卵及聲軒眩人獻於漢顏師古曰眩讀與

金ヶ口 季而後及文王此特舉文王而舎大王王季故王氏 違怨也周公又嗟數而言曰自大戊及武丁及大甲 命之君未嘗為天子也盖四人者皆享國克壽故特 曰四人皆天子非若諸侯以戰戰兢兢為孝者楊龜 無逸故也無逸則公公則明也上之所言者大王王 及文王此四人皆迪於哲四人之所以連哲者以其 破之謂畏天者保其國而已謂中宗為畏天是亦 侯之事其說自相抵牾矣文王大敢未集雖曰受 A CLIT

蓋皆以其戰兢兢而取之如王氏之言則是逸豫 言之非謂其為天子也此說是矣夫無逸之所言者 與文王同為明哲之君由是觀之改過聽諫人君之 自棄惟患其不能改也惟四人之廸哲則不為浮言 斜同科今遂與文王同列則人君不可以其有過而 能聽伊尹之訓克終其德聖人重其改過列於三宗 自肆者乃周公之所取也范内翰曰祖甲初立不明 大德也此說甚善自祖甲之不明而言之則將與禁

飲定四庫全書 人 其德也夫當四人之治天下以其無逸之故民將誦 必自反於已思所以致其怨我詈我之由故大自敬 所感故人雖告之日小人或怨恨於汝毀詈於汝則 敬德則浮言無自而入也民之有過則曰我之過所 心衔将自此不正而可以利動矣惟其自反於已以 而 萬方有罪在予一人百姓有過在予一人是也民 歌舞之豈復有怨詈者哉然小人之欲得志於朝 必設為此言以嘗試其君君尚不察而輕信之則

誠 四人之所為而昏暗不明則人將壽張為幻曰小 以逞其志今惟敬德而已彼何自而入哉茍其不聽 合怒也必和悦其顏色而受之則其聞怨詈之言己 之豈以為斯民之罪哉人君信能如是則不啻不敢 之所以不能漸仁摩義而至於有過者皆我有以致 有以致之其必敬脩厥徳而不敢怠尚無有也豈 巴且人之告我以是固欲其忿怒肆行而後已得 怨詈者為無根之言而窮治之哉亦三省其身而 /mm/ 尚書

辜者必將惟其殺罰矣無罪而罰之無辜而殺之是 秦二世而亡也盖明王之治天下固無致怨詈之道 綽其心故其刑罰不當此怨之所積而厲王流於風 誇秦始皇有誹謗妖言之律是不念為君之道以寬 之道不寬綽其心敬信其言以為誠然至於無罪 怨汝晋汝則必信之如是者以其不能長念其為君 聞怨詈之言而益敬德則怨詈何自而與暗主之 也則天下之怨同而聚於吾身矣如周厲王之監 無

歃

定匹库全書 |

卷三十二

嚴 戒之前後及覆惟欲其無逸而已惟其無逸則将專 年 罰之所自繁而毒考何自而致乎故周公作此篇以 嗣 逸遊田無所不為讒邪之所自入怨讟之所自與 天下太平周公懼其有怠心也驕怠之心一 治天下怨汝詈汝乃其所戒也今聞怨詈之言而 王不可以不監也成王長於深居之中以幼冲之 石 刑峻法欲以遏絕之則怨當益深而害當益衆矣 即天子之位周公懼其有縣心也今始聽政而 54 萌 则 觀


欽定四庫全書 所習之邪正則壽天由此而分光欲上官皇后擅寵 心於學問留意於政事其他可以伐性損毒者有不 有子雖官人使令皆為窮終多其帶後官莫有進者 是亦成王之徒也然則光之愛君乃婦人女子之愛 道也以昭帝之聰慧使光知以無逸之意為之敌沃 昭帝之所以享年不永者盖光之所以輔之者非其 夫少之時血氣未定戒之在色此豈輔少主之道哉 暇為此所以壽也漢霍光之輔昭帝方其幼冲之年


君異乎周公也周公之於成王前有七月之詩後有 心無逸之書也皆有周公爱君之遺意 難魏徵以守成為難玄虧之心七月之詩也魏徵之 不敢怠唐太宗問創業守成熟難房玄齡以創業為 之難而不敢忽無逸之書則欲其知守文之不易而 無免之書體雖異而意則同七月之詩欲其知創業


一只可母在 山


尚書解

春









胳

録 貢

生

臣

左

櫇

校 對 校 官

楡

討

修 臣

劉 種

臣

龔

飲定四庫

一尚書全解卷三十三

詳校官祭酒臣幸識恒

我亦不敢知曰其然出于不祥嗚呼君已曰時我我 命我有周既受我不敢知曰厥基永孚于休若天禁 欽定四庫全書養要卷五百七十二 君藥 いりをはなる 敢寧于上帝命弗永遠念天威越我民罔尤違惟 尚書全解卷三十三 公為保周公為師相成王為左右召公不說周公作 人君與周公若曰君與弗吊天降喪于殷殷既墜厥 尚書解 周書

文王受命 沖子又曰天不可信我道惟寧王德延天不庸釋于 知天命不易天難甚乃其隆命弗克經歷嗣前人恭 明德在今予小子旦非克有正理惟前人光施于我 在我後嗣子孫大弗克恭上下過供前人光在家不一 官也三公之官皆所以教真天子而其名不同文王 周官日立太師太傅太保兹惟三公師保者三公之 世子曰師也者教之以事而喻諸德者也保也者謹

E 傳傳之徳義師道之教訓此皆緣名以生義案周官 唐孔氏曰經傳皆言武王之時太公為太師此言周 其身以輔翼之而歸諸道者也賈誼曰保保其身體 日論道經邦愛理陰陽而已不分别其職盖三公皆 之案詩曰維師尚父毛氏曰師太師也左傳僖二十 王者之師既同以經邦論道為職豈可從而區别哉 之載六卿自冢宰而下所掌之職不同而三公則同 公為師盖太公薨命周公代之其時太傅盖畢公為 10 de 11 10 尚書解

股 六年昔周公太公股肱周室夹輔成王成王勞之而 周 據經傳言太公為師正謂此也太公既為太師 常立於左是太公也獨者拂天子之過者也常立於 公為太保則周公必為太傳故賈誼曰召公為太 者也常立於前是周公也充者充天子之志者 肱周室師保萬民世胙太師以表東海唐孔氏所 之盟載在盟府太師職之襄十四年昔伯男太 公為太傅太公為太師而傅亦曰道者尊天子以 卷三 而 保 召

沈 E 傅雖無所經見意或然也太公既薨故周公自太傅 史供也意謂太公立左召公立右禮所謂師保周 立前史佚立後所謂太傅在前少傅在後是亦以 右是召公也丞者丞天子之遗忘者也常立于後是 三公者惟周召太公耳太公為師召公為保周公為 可及成王即位管蔡流言周公東征而二公因風雷 公為傅也案金縢篇言二公欲為王穆卜而周公不 /變尊王以啓金滕則武王之世及成王之初所謂 車台台 尚書解 周

代之為師鄭康成注禮記日蘇太公受封留為太 桓 死葬於周唐孔氏之說亦與此同史記謂太公當武 之也額命曰乃同召太保與的伯形伯罪公衛 雖受封於齊而入為太師若衛武公入 成王之言而謂武王之世已東就國可乎意者太 太公咸在 公為周司徒之類故當武王之有疾成王之故 商之後即東就國非也左傳既有周公太公夹 也其謂畢公代周公為太傅者以顧 相 於 周

門右周公之薨畢公代之為太師可見矣周公之薨 晉國三軍之将佐雖其首尾不備見於傳然以前後 稱畢公為父師則畢公於三公盖太師也自陝而東 毛公真稱太保而畢毛稱公則當時之三公也康王 為傅亦可以逆推唐孔氏之說意或出此名公為保 畢公為師意者毛公其太傅敏此正猶左氏傳記載 畢公既代之為師則其自太傅而為太師畢公代之 公主之而康王之浩諸侯畢公率東方諸侯入應 尚書解

金灾四年全書 師 參考可以知某人者必某人代之也然則周公之於 康王其職任未當移也相成王為左右者言問召 之日朝夕納海以輔台德周名之為左右相是亦陳 因命以為二伯分總天下之諸侯王制曰八伯各以 其屬屬于天子之老二人分天下以為左右曰二伯 公盖自傳而後為師名公之為太保自武王至于 保而為成王左右之相說命曰王置諸其左右命 邪以輔成人主之德也惟周召既為左右相

欴 至日華 白香 是也公羊日自陕以東者周公主之自陕以西者召 其在人主之左右者果誰乎盖其不知師傅保之為 師 陕東西為其二矣又以一 侯畢公率東方諸侯之言但其論天子三公既已 不可夫三公者師傅保之謂也天子雖有三公而其 公主之正謂此也公羊此文合於書太保率西方諸 而惟其一 侯者則命其二馬非是分陕者皆不居於京 一處於內且公羊謂周召既出而分陕 尚書解 相處乎内以足其數此 五一 則 則

為王左右之相此其所以不 正道以成其德王既 之意謂吾二人者輔異成王使之見正事聞 三公故其說乖處至此召公自武王時已居太保之 得不留輔成王無留召公共政蘇氏曰周公何 至於成王即政之後將欲與周公謝事告老名 歸也察成王之徳未可以舍而去也周公齊百官 王而王之所用悉其私人受教於王者此其徳 藤 政 故 可以歸 悦 故周公作此篇言己 也而猶 レス 正言行 師 公 保 ンス

) j 告歸也史記曰成王既幼問公攝政當國踐作白公 冀天下之有變以徒俸萬一苟一舉措之失宜則彼 之餘民染紂之化草竊姦先無所不為至康王之世 将垂間而起矣此周公所以長慮却顧而以為不可 今復在臣位其意不悦漢孫實亦曰周公上聖召公 而其餘風猶未珍雖武庚之變志不克逞而其心猶 之作君藥而唐孔氏又謂名公以周公當行王政 J. 1. 1 尚書解 <u>~</u>

豈能離師友而弗及也哉此說是矣然不獨此也

盆 謂 ゲ 則 同者伊川口看此一篇是周公留召公之意是也 、之後人 非 川二蘇兄弟王氏破之詳矣然諸家之說猶有 賢尚猶有不相悦是皆以召公不 有不悦也案此篇之言皆是周公以天命之難 初 召公初升為太保與周公並列其心不安故 也召公與周公為三公武王之世已然矣豈至 升哉王氏謂成王非有過人之 習至治之時為難 卷三十二 維 故 名公於其親政 聰 知周公之心 明 而出于文 不

於 足口華 全書 世既昭文王受有殷命又昭武王咸劉厥敵意謂吾 者艾以保人王家并及號叔問天之徒亦皆事周數 矣周公當言成王之德可以光大文武之緒乃能解 致之篇中亦無所見今周公但陳商代之臣皆世德 白公之憂不當又以是為言矣小蘇謂不悅其歸政 懼成王之弗克負荷以恭前人之成憲故已雖致 而不敢告歸若王氏之説召公既以成王親政為憂 人者皆問之元老無去之之義所以皆不得不留 尚書解

皆其一時之言不可以為之說也此篇序正與湯誓 皆以序為出於孔子之手如此等序使其無所傳記 必是歷代史官遞相傳授以為書之總目孔子因而 孔子生於數百載之下何由逆知其故乎故某以為 所作主為自公不悅故先言召公不以官位為次也 大語同所作之故惟見於序而於篇首未當及之世 夫先言保而後言師此亦如酒語先圻父而後農父 也唐孔氏曰三公之次先師後保此先言保者篇之

后日君 絕于天之故故不為所男恤而降喪亡於殷殷既亡 次第之也與召公名也曰君與者尊之之 而周以世世脩徳之故天監代殷莫若周是以我周 才皆尊之故曰君也尊之為君正如棄謂之后稷 天命以有天下也先儒讀用字音的非也). 1. IV 代殷以有天下然其歷祚之長短在于不 也周公呼召公之名而告之言殷紂以 当書解 知其基業将永信于休乎若 周 自

盆 其果輔我之誠乎或其終出于不祥乎皆不敢知也 然不可知其所以然之故故周公謂不敢知召公則 不敢知者疑之之辭以為必有不可也以為必無不 将永孚于休永孚于休雖不敢 已嘗口是在我而已若能祇懼天命不敢荒寧則必 可也雖天之吉凶禍福若影響然未嘗有臺釐之差 及教化我民使無尤過違關則必将然出于不祥然 帝命則可得而知也的不能長遠念天威之可畏 卷三十三 知而其不敢荒事干

处三百 出于不祥雖不敢知而其弗念天威及我民則可 尤違為絕句故王氏因之日前既言在天者今此言 而知也盖水孚于休終出不祥在天而不敢寧于帝 必故繼之以惟人先儒以惟人屬於下文而以 弗念天威及我民則在人在天者不可必在人者 天永命不敬德則早墜厥命命之脩短不在天 者故曰惟人也不如蘇氏以惟人為絕向其意 君已日時我指召語所陳之言召語言敬德 2. A.m. II 尚書解 图

在人故周公告召公多接召诰之言而為之反覆 於富貴謂天命可以長事而不知其不易有徳則 明晓人者當如是也後嗣子孫謂成王也惟其古 無德則亡命之不可信如此今既失德則將隆其 過絕放供前人光明之德盖其在于深宫之中 福不在天而在人其在成王今尚不能恭嗣天 也我之所以不去盖為是也在今我小子之留 :經歷久遠以享有天下繼嗣前人而恭奉其

Ċ E 成王徳以永享天命矣周公又以謂天命不可信 輔成王以延周家之命使之享卜年卜世之永此大 含文 之道王惟以寧王之徳施之則可以延長使天不 行前人光明之德以施于成王幼沖之人則可以 王非能自以為有所正以格君心之非也但欲 故命之作周苗嗣王之失德則天将釋之其不可 如此則我之不去惟欲 Ē 人王所受之命以命他人也盖天雖以文王之 £. dio I 尚書解 以延周家之命而已夫 出 用 有

公日君真我聞在告成湯既受命時則有若伊尹格于 天多歷年所天惟純佑命則商實百姓王人問不東 一天在太甲時則有若保衛在太戊時則有若伊防臣 格于上帝巫咸人王家在祖乙時則有若巫賢在武 節也功成名遂奉身而退此小庶也召公之欲告歸 **盖欲盡為臣之義周公之所慮者遠故不以小廉** 妨大節此篇之所為作也 則有若甘盤率惟兹有陳保人有殷故殷禮陟

集大命于厥躬惟文王尚克修和我有夏亦惟有若雜 格保人有殷有殷嗣天滅威今汝永念則有固命厥 明恤小臣屏侯甸矧咸奔走惟兹惟徳稱用乂厥辟 ŗ 我新造邦公日君真在昔上帝割申勘写王之徳其 能往来兹迪奏教文王蔑德降于國人亦惟統佑東 E 有若閎天有若散宜生有若泰顛有若南宫括又曰 有事于四方若卜筮問不是字公曰君與天壽平 知天威乃惟時昭文王迪見冒聞于上帝惟時受 5 2. A.S. 尚書解 +

威咸劉厥敵惟兹四人昭武王惟胃不單稱徳 成王中才之主也當幼沖之年即天子之位管蔡流 言而王有疑周公之心及其感風雷之變然後遇災 中才之主可與為善亦可與為惡輔之得其人則至 殿命哉武王惟兹四人尚迪有禄後賢武王誕將天 於竟舜不難也輔之非其人則至於禁紂不難也 懼深知周公之忠豈非可與為善亦可與為惡乎 雖周召為之輔翼或推或較使之所言者正言所 卷三十三 飲定四車全書 成王之弗克負荷将欲輔成王德以延周家之命 甚固而可以長保也故周公歷言天命之不可信恐 非周召在其左右將順其美而正採其惡則其舉 之業而永享天命然周公之齊百工以輔王而王之 行者正行無有奇家之習其德既成則可以保盈之 問或有以召天下之禍不可以天命看我周家為 用悉其私人受教於王者自此而積之則朋黨之 将不可得而過故惟已聽政以刺裁萬幾之務药 尚書解

者艾無有厭戰以明吾二人之當留也保衙即伊 臣與大我周文武之朝其臣皆與國同其休戚黃於 在成湯則言伊尹而不言保衛至太甲書則曰嗣王 也于成湯則言伊尹于太甲則言保衙者陳少南日 吾二人不可以一日而去朝廷也是以又言商代之 鄭康成謂伊尹在湯曰阿衛至太甲改曰保衛非 不恵于阿衛是阿衛始見于太甲之時矣此說是也 故唐孔氏破之以為太甲云嗣王不恵于阿衡則太

扈之篇湯事國十三年又七年而太甲立太甲事國 是也臣扈臣名也蘇氏曰湯既克夏欲遇夏社作臣 尊伊尹馬伊陟伊尹之子也逸篇序日伊陟相太戊 甲亦曰阿衡也保衙阿衙一也太甲即位始以是而 年然後太戊立自湯勝夏以至太戊立凡一百有三|| 丁二十九年太庚二十五年小甲十七年雍巳十 百餘歲哉而陳少南謂湯十三年太甲三十三年沃 三十三年又更四帝乃至太戊而臣扈猶在豈非壽 与'与平

盆 定 匹 厚 全 書 案春秋范武子光輔五君或臣扈事湯而又事太戊 此两說曰湯初已有臣扈已為大臣不得至今仍在 案章子平編年通載所記商家太甲以後數君在位 與伊尹之子同時立功豈二人名同故兩字一 必有二臣而名同者也此二說不同而唐孔氏已有 之年正與陳少南同而司馬遷史記殷本紀其君在 十年矣臣扈在湯勝夏之初年已不知其年若干閱 百有三十又相太戊若干年而能格于上帝乎是 一誤也

杜元凱方以為二人盖襄二十五年傳曰屈建為令 臣扈之或為一人或為二人但其世以是為稱亦不 有梁弘此皆歷年之多其為一人為二人不可得而 伯 知惟宣十二年楚有屈湯而襄二十五年又有屈湯 王使家父来聘在元年有單伯而文十四年又書單 可知如詩有家父刺幽王而春秋桓公八年又書天 所歷之年未當載也盖世代遼遠不可得而見 如齊左氏傳桓三年晉有梁弘而僖三十三年

'n

will some my more control

尚書解

十四

皇天説命曰昔先正保衙佑我烈祖格于皇天正此 戊之孫史記曰祖己立殷復與所謂把于取者巫賢 篇序曰伊陟横于巫咸是也祖己者河曹甲之子 是也至太甲之立則伊尹尚為之佐唐孔氏曰伊尹 夏以有九有之師時則有伊尹之臣為之佐而格于 先儒以為巫咸之子此言在昔成湯既受天之命心 屈湯為其敖宣十二年之屈湯正屈建之祖父而 為建並列故可以知其為二人也巫咸即逐

鉒

陟臣扈曰格于皇天故變文言上帝也王氏多以天 帝唐孔氏曰皇天之與上帝俱是天也變其文耳盖 之下言格于皇天保衙之下不言格于皇天從可知 也是也太戊之立則有伊防臣扈為之佐亦格于上 不欲重言之耳既于伊尹曰格于皇天不可又于伊 而言則謂之帝書之言天而又言帝者是錯綜其文 可得而名言但自其形體而言則謂之天自其主字 天即帝也帝即天也豈有二哉夫天之奢養在上不

咸巫賢甘盤盖功劣於彼三人故無格天之言是也 陳先儒以為陳列不若蘇氏以為久言此商家之臣 甚矣巫咸為太戊之佐則能治王家祖乙之時則有 為道帝為德謂道至矣則格于皇天德至矣則格于 上帝而說者又於伊尹一人之身而分道與德其繁 巫賢武丁之時則有甘盤皆其世臣也唐孔氏曰巫 終而配天享國久長多思年所也登遐日陟所謂 皆惟此輔佐之久以治安有殷故有殷之君以禮

定四月在言

起三十三

灾日祖二十二十 商家之百官族姓及王人之微者實皆東德以明恤 公共政故至成王寢疾被晃服憑王几以命羣臣 新陟王是也禮陟猶言得正而斃也惟周公既留名 保人其君盖大臣者小臣之倡率也大臣輔政之久 國家之事至于小臣之在潘屏侯甸者皆得其人 敌天惟統一佑命于有殷純者言其命不貳也)際其言不昧此非以禮除乎惟此六臣輔政之 人執事之人皆得其人可知惟此以德舉而 尚書解 ナナ

若卜筮馬其應之如響也盖久則天天則神故不言 以保人有殷故此諸臣無小無大無內無外皆能人 有殷天壽平格猶所謂勉遺一老也有殷之嗣王 大成也平格指上六臣也言其平治天下以格于 而信不怒而威此所以若卜筮問不是字比治道之 一群以此之故故其一人有事于四方則其不信 上惟言伊尹陟臣扈格天此言平格盖舉此三 一人亦在其中矣言天壽此平格之臣使保

2 力若此正所謂天壽平格乃周公告召公以永念之 寧盖猶康强而未文也方是時當百餘歲矣而其精 及七年故曰新造邦也召公自周家肇造之初已 新造之邦也武王即位天下未集而崩成王之立方 無平格之臣故天滅之其威可畏今汝召公能長念 一額命相康王率西方諸侯以朝升降拜揖訓告丁 以留輔成王則天命堅固而不二其有以治明我 保及其輔翼成王分陕而治始終凡數十年以至 的書解

鉒 寧王武王也其於大語已言之矣蘇氏曰天降割喪 页四层在言 文王申勸武王之徳而集大命當從此說割與天降 猶所謂天誘其東也惟文王之能修治和協此中 降割于殷盖由於以寧王為文王故以為降割于殷 效也割先儒以為割斷其義其說不明白王氏以為 割于我家不少延之割同言天既以文王之德而命 以有號叔閎天散宜生太顛南宫适五人為之佐 作周文王既死復命武王故曰申也勸武王之德

既顯見覆胃于天下則民必誦而歌舞之天聽自我 民聽故聞於上遂代殷以受天命也在武王之世則 亦如商之東德又導達之使知天威之可畏乃惟是 文王若無此五人往来以尊達文王有常之教則無 則以五臣之力也此五人之在文王亦如商之統佑 也此五人盖文王疏附先後奔走禦侮之臣故又日 有徳下及於國人盖徳雖本于文王而其博施于民 的顯文王之德導達之而使顯見覆目於天

歃 定匹庫全書 商實百姓王人罔不東德明恤小臣屏侯甸矧成奔 伐紂也此四人昭武王之徳亦如文王之廸見冒聞 號叔者王季之子也文王之弟左氏曰號仲號叔王 季之穆也此四人後與武王大奉天威盡誅其敵 號叔先死不若康成以為不知誰死為得關疑之義 五人者其一死矣故惟此四人尚廸有禄死者曰不 此四人猶及于武王之世故曰尚與有禄先儒以 下大畫稱頌武王之德也於商曰天惟純佑命則

史家叙事省要之體春秋有前目後凡之例亦以此 胃正猶舜之处行於南日如位禮於西日如初於北 餘皆不及豈此五人逮事王季而遂及文武之時邪 也文武之時其佐命元功多矣獨舉號叔以下五人 日如西禮則自柴望而下皆行之也禹之攝政言至 東德於文王曰迪見冒聞于上帝故於武王但曰惟 走惟兹惟徳稱用人歌辟故於文王但曰亦惟統佑 百官若帝之初則自在瑤璣王衙以下皆舉之也此

欽定四庫全書 皆世臣舊德與國同休成者艾黃髮無有厭數者也 武丁者號叔以下必其遠事王季以及文武之時此 孟子曰所謂故國者有世臣之謂也有世臣則其為 社稷之鎮其效可勝言哉惟其所言者皆世臣舊德 世臣巫咸巫賢又世為大臣廿盤小乙之舊臣以贵 甲伊陟乃伊尹之子臣扈非湯之舊臣則亦殷家之 伊尹之事成湯自為諸侯以至有天下湯崩又事 故武丁之世不及傅説文武之世不及太公也周公

今在予小子旦若游大川予往暨汝真其濟小子同未 とこうこととに 敷乃心乃悉命汝作汝民極曰汝明弱偶王在雪乗 惟休亦大惟熟告君乃猷裕我不以後人迷公曰前别曰其有能格公曰嗚呼君肆其監于兹我受命無 位誕無我責收問弱不及者造徳不降我則鳴鳥 八臣之在殷五臣之在文武也又宣可以舍之而去 所以留召公共政者盖以吾二人之在朝廷正 尚書解 F

真其汝克敬以予監于殷喪大否肆念我天威予不 知民徳亦罔不能厥初惟其終被若兹往敬用治 不恵若兹多語子惟用閔于天越民公曰嗚呼君惟 兹浩子惟曰襄我二 命惟文王徳丕承無疆之恤公日君告汝朕允 王功于不怠不胃海隅出日問不率俾公曰 不時嗚呼篤悲時二人我式克至于今日休 人弗戡其汝克敬德明我俊民在 人汝有合哉言曰在時二

周公既言商家之六臣我周文武之五臣皆輔政數 信服而感化周以五臣之故仁恩恵澤浸潤於民必 世與國同其休威商以六臣之故歷數有永縣延不 徳而不忘世臣舊徳之有益於國也如此故我二 自 絕內外之臣莫非忠良而其發政施教于天下無 雖功成名逐奉身而去其為一身進退之節固當明 百里而與遂膺天命以撫方夏天下莫不稱頌其 可以不留留則為社稷之利不留則為社稷之 可點片

一鱼定匹库全書 | 此而下皆周公言其當留之義也游者涉水也詩曰 白然國家安危長短之原實自此而分尤所當念自 自今以往我當同汝召公左右輔翼以濟成王使免 丈夫游之皆涉水也大川固難於游泳之也必求其 就其淺矣泳之游之莊子曰善游者數能又曰見一 小子當王家艱難之業負重責大若游於大川之中 所以齊游而不濟未有不沒者也故周公言在今我 於難同於成王未即政之時則可以免於大責也未

徳言老成而有徳也鳴鳥謂鳳也禮運曰麟鳳龜龍 **恃其盈成之業驕怠懈弛不能自勉而於治道有所** 放也者造者李博士曰盖老成之謂也是也者造 及是以欲收之孟子曰人有雞犬放則知求之 公留之而欲其同来在位也問弱不及盖恐成 位指成王未即位之前成王之未即政周公共政 獨予一人使無失德今既即政而召公欲告歸 不 知求收者教之族之防開其心而不使 故 有

欽 定四庫全書 備舉出于東方君子之國翱翔四海之外過**崑崙飲** 麐後地頭魚尾鸛類駕腮龍文龜背燕 領雞啄五色 謂之四靈說文曰鳳神為也天老曰鳳之象也鴻前 世之祥也不聞風之鳴則非治世矣孔子曰鳳爲不 砥 鳥至河圖出以表國家之禎祥傷已不逢太平之時 至吾已矣夫孔子之意謂天下有道聖人在上則 曰君子在治若鳳在亂若鳳治則見亂則隱鳳在治 柱濯羽弱水暮宿丹穴見則天下大軍安揚子亦 卷三十三 留輔天子我則将不能致太平而間為之鳴況能如 聞亦是託此以言我之不能致太平也蘇氏曰周家 防開之以終其徳汝藥乃老成有徳之人首不降意 之所以留輔成王者盖将收成王不勉不及之心 而 必不使我與汝同聞鳴鳥其說為曲不可從也言我 王舊臣同聞鳴為者也天如不欲我終王業則當時 以驚驚鳴於岐山為文王受命之符我與汝奭皆文

故有此言也以孔子之言觀之則公謂我則鳴鳥不

飲定四庫全書 當監視於此其所以當監觀于此者盖我周受天 惟恐其成王之弗克負荷令既在王左右朝夕納 所以告君以留者乃謀所以冤我之爱盖周公之憂 保守之艱亦不為小不可以休之無窮為足恃也我 為無窮然而有德則祈天永命不德則早隆無命其 卜世三十十年八百子子孫孫方興而未艾其休固 伊尹陟臣扈之格于皇天上帝乎必不能也召公其 可以不留哉問公又嗟歎呼名公而告之曰君今其

蘇氏謂周公與召公同受武王顧命輔成王故周公 亦大惟熟此亦指召告所陳之言也數乃心正盤庚 回前人 以輔其徳則可以解周公之憂惟有以解周公之憂 所謂今子其敷心腹腎腸歷告爾百姓于朕志是也 於諸家當從之曰昔武王命二公之言也言汝之 謂武王則後人之為成王必矣我受命無疆惟休 不致成王之迷而失道矣後人指成王也下言前 人數其腹心以命汝位三公以為民極此說勝

|盆灰四尾在音 勉以配王在於誠信以乗此天之大命惟念文王之 詩曰其車既載不輸爾載盖亦以垂車喻治天下 命者王氏口来者以乗車而喻為彼所載而行是也 則我家無窮之憂正吾二人所當任其責其可 而去乎偶配也臣者君之配猶陰者陽之配也来 天之大命者得其道則永保天命不得其道則天 以保天命也意謂武王之所以命吾二人者如此 輔其君則可以大承其無窮之憂君臣相與 卷三十二

たこうしこう 恣謂天命可以長保而不之懼故丧亡而至於大 然其喪大否如此故我念天威之不可不畏其不去 否者閉而亂也大往而小来上下不交而天下無 否則其亂甚矣天之於商其者佑之心亦如我 -欲延周家之命而已我不誠惟若是告汝也我 而已周公又言我之告汝者皆我之誠心汝當 以留輔成王以我鑒視于般惟其以主荒怠自 当書解

成也汝召公之言曰王業之成是故在我二人 者正慮此也漢疏廣日吾聞知足不辱知止不殆功 深恐其不勝禍自此前矣召公之所以不悦而求去 方佑我周家休祥益至我二人若以寵利居成功 不去懼有後悔此正名公弗戡之意周公謂汝之 輔成王也襄成也左傳曰雨不克襄事杜元凱 以退天之道也今仕官至二千石功成名立 人而已汝其有以合于我

俊之人而進之他日讓此俊人于冒大之時何為 出為太平西至日所入為太蒙海隅出日言其甚遠 海隅出日之地當無不為我之役使也爾雅曰距 君故能至今日之休我二人若皆成文王之功業而 不怠以終之則其休益為無窮其徳獨胃之廣至於 可而处于今自告歸哉又嗟數而言我二人 以求去者恐其妨賢者路也但能敬德明揚天下賢 以南戴日以為丹穴北戴斗極為空桐東至日

歃 定 召公之憂而予用関于天越民則周公之憂召公之 者此周公之所関也盖天休滋至惟時二人弗哉 其所也盖使成王逸豫之心一萌於中則上無以 也蘇氏曰惠猶言願也我豈願若此多浩於此哉盖 Æ 以為當去而周公以為大義當留也周公又言汝 下無以撫民天命将自此而斷棄而民有受其 不得已已我惟哀閔夫天命之不永及民之不 库全書 時之計周公之憂者天下社稷之計故召

為王之輔佐放沃 已欲其有終則汝當致敬如此所言自今以往惟 以泰文武之基緒則前功盡廢雖王之罪亦吾二 君與亦知乎凡民之德無不能有其初鮮克有終 治 能終輔成王之過也害觀唐之君多有始而無 謹也尚以王既聽政遽舍而去如王之舉措失宜 路之難也成王未即政之前周召宅三公之官以 天下則終始如一矣傳口行百里者半九十 訓迪固巴納 王於善矣是其初

飲定四庫全書 高宗用長孫無忌褚遂良則治用許敬宗李義府則 使成王之初雖能致至治以繼文武之業尚不克終 善亦可與為惡故一人之身而治亂之勢前後相反 用皇南鎮程异則亂盖此數君者中才之主可與為 崔祐甫則治用盧松則亂憲宗用杜黃裳表度則治 亂明皇用姚宋則治用李林甫楊國忠則亂德宗用 而已王氏曰此語或日君藥或日保藥或日君者主 亦何足道哉故周公之留召公也惟欲謹終如始

20 A.1 7. 1.71 J. 1 T. 1 王而言則曰君真主公事而言則曰君而已主保事 言則康語之篇或曰朕其弟小子封或曰小子或曰 君真皆周公所作方其為成王言則謂商周之治無 封或日小子封或日汝封或日汝亦皆有説也無逆 而言則曰保真也王氏喜為鑿說一至於此信如此 不在其君之憂勤及其為名公言則謂商周之治無 不可以致治臣事那主亦不可以致治惟有是君又有 不在其臣之輔相言各有所當也大抵正主御邪臣 尚書解

蔡叔既沒王命蔡仲踐諸侯位作蔡仲之命蔡仲之命 蔡叔于郭鄰以車七乗降霍叔于庶人三年不齒蔡仲 日小子胡惟爾率德改行克慎厥飲肆予命爾侯干 往即乃封敬哉爾尚盖前人之愆惟忠惟孝爾乃 周公位冢宰正百工草叔流言乃致辟管叔于商囚 是臣君臣之懿則其治如響觀舜畢陶之廣歌可見矣 庸被徳周公以為卿士叔卒乃命諸王邦之於王 卷三十三 周書

作聰明亂舊章詳乃視聽問以側言改厥度則予 汝嘉王曰嗚呼小子胡汝往哉無荒棄朕命 當成王即位之初周公攝政蔡叔與管叔流言于國 与 计开

哉慎厥初惟厥終終以不困不惟厥終終以困窮懋乃

懷為善不同同歸于治為惡不同同歸于亂爾其

爾考之違王命皇天無親惟徳是輔民心無常惟恵

續睦乃四鄰以審王室以和兄弟康濟小民率自中

迹自身克動無急以垂憲乃後率乃祖文王之

定匹庫全書 書序本自為 則遷之遠方而囚之雖免於死而終身不赦及 也王乃以周公言其子蔡仲有賢德之故因其 野周公遂 正與此踐諸侯位之踐同踐位猶春秋之言即 為皆撮其大者叙以數句亦自為一篇不以冠 一所為作也明堂位日踐天子之位注云踐猶 邦而封之使践諸侯之位逐作冊書以命之 ·挟武庚以叛周公東在而罪人斯得蔡 如司馬遷之史記班固之漢事

쉾

義見宜相附近故引之各冠其篇首如君真之篇 諸篇之首及孔安國以其序所以為作者之意耶 於稽考可也如此篇其發首自惟周公位家率正百 日蔡叔既没王命蔡仲踐諸侯位則無乃贅乎以是 以下其載所以為作者之意可謂至詳矣而序復 母兄弟十人長日伯邑考次日武王發次日管叔 不言其所以作之之意則引序而冠之使後人 氏之冠序於篇首蓋有得有失也史記日武

欽 定四 鮮 管察而已然大浩之序即有三監之言而此為載周 子武庭禄父治殷餘民封权處於霍又曰武王以 等差則知當時傅相武度霍叔亦與馬史記失其傳 公之於管权蔡叔霍叔以其罪之輕重而刑罰之 弟管叔蔡叔傅相武庚以和其民是皆以監殷者惟 餘民封紂子武庚為武庚未集恐其有賊心乃令其 封 次曰周公旦次日蔡叔度次日霍叔處武王克殷 功臣昆弟於是封叔鮮於管叔度於蔡二人 庫全書 卷三十三 相 紂

其舊封夫君薨百官總已以聽於冢宰三年古之人 謂周公将以成王之幼沖奪其位而自有之逐挟武 之官以正百官百官總已以聽馬三叔乃流言於國 耳當武王之即世成王在亮陰之中周公位居冢字 無之為民三年之內不得與諸侯齒列既三年則復 兵以親討管叔則致法而殺之於般之故都蔡叔則 庚以叛其實蓄不軌之心而以是藉口也問公乃率 而囚繫之於郭鄰之地惟與之從車七垂霍叔則

欽定四庫全書 皆然周公之位冢宰正百工而羣叔乃流言者盖成 政殷人不能無疑於公故三叔易以其言扇動之以 叔與之同惡相濟也以是知管叔為首而蔡叔霍叔 唱亂也管叔于兄弟之次周公之兄也管叔監殷於 之禮而言則周公宜繼武王為天子今既攝天子之 王幼沖而周公以聖徳而為之輔自殷家兄死弟及 而周公攝政於內豈能無不平之心哉故流言以 而殷人莫不響應益以武庚常有興復之志而管 卷三十三

此言致辟 廢之終身而既沒之後以其子嗣封霍叔之罪此茶 管叔豈得已哉使其罪猶有可生之路必不致辟也 和之霍叔之罪又輕於蔡叔惟管叔之罪為大故 而絕其後無茅土之封蔡叔之罪比管叔為小 行是也如漢遷淮南王長于蜀唐遷廬陵王于房 康成以為避非也囚唐孔氏謂制其出入不 故廢之三年而已由是觀之則周公之 則知金勝所謂我之弗辟其訓法明甚 书書冊

新定匹庫全書 氏傳曰王於是子殺管叔而於蔡叔以車七垂徒 州皆是制其出入與蔡叔同故謂之囚也郭鄰先儒 齒與王制終身不齒同時言三年不齒則是三年之 以為中國之外地名蘇氏則日郭號也五家為鄰 仲能常敬其德周公則以為已之卿士叔既卒方薦 說書以為車七乗而史記乃以為十乗亦非也不 人既有徒七十人不得但云五家也當且從先 又渝找其罪而封之也必矣蔡叔雖囚而其子蔡 儒

長謂公卿王大夫王子弟食采邑者两謂两卿祭仲 為文矣文子不以其家臣而與之並列故孔子稱其 文子之臣大夫俱與文子同升諸公子聞之曰可 為周公以為魯卿士魯國治唐孔氏已辨之矣公叔 之為周公卿士盖米邑之卿也若左氏傅日丧弘事 之臣周禮日乃施則于都鄙而建其長立其兩注云 之於王而命之建國於蔡以封為諸侯也卿士周 劉文公注日為之屬大夫正所謂卿士也史記乃以 与与评

鉗 定匹庫全書 賞罰未當容心於其閒蔡叔之罪不可赦也則還之 文今周公亦以已之卿士而薦之為諸侯盖周公之 襲其父之舊而其國號日察則是以叔為始封之君 薦之於王不以其蔡叔之故而惡之此其所以為周 立衛是以亂孔子将為政於衛必以正名為先而 於遠不以其弟之故而私之蔡仲之賢不可棄也則 公也蘇氏曰蔡叔未卒仲無君國之禮蒯晴在而 公封蔡仲必在叔卒之後也此說甚當盖仲之封 卷三十三

成王言惟爾胡循祖之德改父之行以克謹其道 言囚郭鄰無釋之之言未敢以為然也胡者仲之名 四父用子之禮盖釋之矣此則不可得而見盖經 豈可以叔尚無悉而侯之哉然蘇氏謂仲為卿士 為東土之諸侯爾就所封之國當故之也漢孔氏 仲其字也其曰蔡仲正猶春秋之稱蔡叔蔡季也 慎於所行者如此則可以君國故我為冊書命 ,所封圻內之蔡仲之所封淮汝之間圻內之蔡 **お書解** 三十四

鉑 宋忠云胡 灾 州来是也獨漢孔氏以為叔度封于圻內之蔡宋忠 上蔡縣注云故蔡國周武王权度所封度放成王 名已滅故 PE. 子胡十八世 王室之東故也案史記注引世本云蔡叔居上 庫 世徒下蔡杜元凱左傳注與夫陸氏篡例其 地理志合平 徙 取其名以名新國意謂東土者淮汝之 居新蔡平侯徒下蔡然漢地理志汝 徙 新察新茶縣注云平侯自於徒 侯徙下祭即春秋哀二年於遷 卷三十三 南 此

平陽水安縣東北霍太山則以蔡叔為封於淮汝之 色說者云扶風雍縣東北周地召公雖封燕而 之國說者云榮陽京縣東北管城霍叔之國說者云 叔為封於圻内而出監殿亦可以為封於淮汝之間 以為蔡仲居新蔡世代遼遠是非不可得而知以蔡 召地為来邑說者云扶風雍縣東南召亭則以茶 此二者之比也周公雖封魯而圻内以周地為采 又監般亦可乃周公封魯而入為太師之比管叔 EZ 尚書門 三五 内

鉑 定匹库全書 叔為封於圻內之蔡則此二者之比也鄭之始封亦 其社稷以保其人民為孝蔡叔以成王之叔父周公 說者云河南新鄭則是取圻內之地以名新國此亦 亦未有孝而不忠者也諸侯以富貴不離其身保 孔氏所言禁國之比盖不知此數者熟為是也夫 折內說者云京兆鄭縣其後遷於濟洛河類之問 而已盖忠孝一道也臣子一心也未有忠而不孝 叔所以流言以叛而取拘囚之禍者惟其不忠不 卷三十三

挟殺之餘孽以問王室宣得為忠乎是忠孝两失之 矣蔡仲欲掩盖其愆无則惟在於此二者也使蔡仲 勤無怠以勉強於道則可以垂法于汝之後世則汝 此則豈不能盖前人之愆哉爾乃邁迹自身王氏 能盡忠孝之道則天下將稱之日蔡叔幸哉有子 弟身為諸侯而自取罪成四於遠方非孝也 一命而察則汝之行善遊當自汝身而始汝能古 五命無所因故曰自身也是也惟蒸叔既以 dulo |

T = 1 = 1 = 1

尚書解

當率循文王之常訓奉以周旋不敢失墜不可以若 亦直遠哉上既稱其能率祖之德改父之行則此二 爾父之違蘇王命以間王室當以是為深戒也詩曰 至于再三所以堅其為善之意也上天之子奪雖 者蔡仲盖優為之矣而又以此告之者盖丁寧訓告 不可不從以於叔為父則其違王命不可不改其則 柯伐柯其則不遠察仲既以文王為祖則其奏 親然有徳則輔之無徳則斷棄其命也民之從違

广 E 9 侯之廢置雖自於天子之權然其封之也非天子 以感天惠足以得民故我因而命之苗汝一旦自絕 察也成王之意謂爾之所以 也非天子之私怒也盖以天棄之人棄之故不得 私恩也盖以天與之人與之故不得不封也其廢 雖無常心然有恵則懷之無恵則適被樂國也夫 可長保而不成也為善不同同歸于治為惡不同同 5 結怨于民則我宣能私於汝哉汝無以富貴為 J. J. | 尚書解 侯于東土者盖其徳足 1441 謎

歸于亂李博士日治以善而致善雖不一首在所 說盡之矣汝不可以不戒汝既率德改行克謹厥 以無事於謹也又當思其始終始如是終又如是 可為也亂以惡而致惡雖不一尚在所可惡馬皆足 欲馬皆足以致治何必同哉此戒仲以無一善之 致亂何必同哉此戒仲以無一惡之不可去也此 能謹其初矣汝無以既列為諸侯志願已畢為可 則其德日日以新豈至於因哉的不能思生

た 巴日年 白品 同姓之邦 而忘之此其所以困窮則汝當以為戒也汝欲謹 終則其徳止於是非徒不足以日新又併與其故者 終之道也率自中無作聰明亂舊章詳乃視聽問 長保其富貴壤地相接而為四鄰之國則與之結 則亦盡其諸侯之職而已勉汝之功績戰戰兢兢 小民則思所以康濟之使得其所凡此皆思 和睦王室則為之蕃翰以敬王所懷為職兄 則尤為之和協而無閱於牆之豐林然 尚書解 兲

哉無荒棄朕命此則以流言為深戒也率自中與率 問豈至於變亂舊章哉苟任一已之聰明不能行其 以應物也故當循其所謂大本之中順性命之理而 之德為明而明則 性之間道之率同耳之德為聰而聰則用之以聽 侧言改厥度則予一 無事則其變亂前世之舊也必矣又當審所視 則其聰明出於自然而無有私意小智撓乎其 用之以視是聰明在已而視聽 一人汝嘉王曰嗚呼小子胡汝往 卷三十三 用 目

處已者必自於率中所以應物者必自於詳乃視熱 審不以人之則言而改厥度則其應物也明而所 使蔡叔能以率中而處已詳乃視聽而應物則豈肯 以察邪正是非苟視聽不審則利口巧言得以感之 而無所恤也不以已之聰明而亂舊章則其處已也 汝能以此為戒則我一人喜之矣又戒之曰汝之往 以管权之言為然而與之相挺為亂以流言於國哉)将獨於偏側之言信之以為當然以其改其常 尚書解

而坐示 昔晉王儀為文帝所斬 之殺王儀以私念也故其子可以周公之卿士豈慕仲忘其父之禍 則蒸仲者當率德改行以盖前人之愆不得 蔡叔以公義也蔡仲豈得以為怨 也當以我之命日夜服 小不臣朝廷 用其子矣惟囚其父 祭仲忌其父之禍而一处也蔡叔為周公所四 亦應 不 哉使周公有 臣 不 囚而祭仲 一颜哉盖文 朝廷周公


全过


<u>-</u> 然周公之於於中 不當臣於周 1. 1. III 公則禹亦 尚書解 性其公也 族而戒禹者禹大聖 成王政成王既践奄将 不當臣于舜也 何獨於周公而疑


死以孔明循

怒汎周公平

2			君於蒲姑周公告召公作将蒲姑
尚書解卷三十三			君於蒲姑周公告
解			姑田
卷			四公
干			告
<u> </u>			公公
			作将
			将
-			湘山
			1,214
	-		
		1.	







校覆 腾 對 校 绿官官 貢 檢 編 生 討 修 臣 臣 臣 左 嬜 劉 顋 大 種 岩 萬